



15. april 2010

Inatsisartut Suleriaasianni § 36, imm. 1 naapertorlugu Naalakkersuisunut apequt imaattoq matumuuna saqqummiuppara:

Qilalukkanik qeernertanik pisassiissutit, misissuisimanerit nutaat tunngavilugit amerlanerusunik pisassiisoqarsinnaanera Naalakkersuisunit eqqarsaatigineqarnerluni?

(Inatsisartunut ilaasortaq Isak Hammond, Inuit Ataqtigiiit)

Tunngavilersuut

Piffissamik qanittumi tusagassiutitigut kalerriunneqarpoq Canada-mi, USA-mi aamma Kalaallit Nunaanni ilisimatuut (biologit) kisitseriaaseq nutaaq atorlugu paasisimagaat qilalukkat qernertat Canada-p Kalaallit Nunaatalu imartaanni marloriaammik amerlassuseqarnerat qularnaatsumik oqaatigisinnaalersimallugu.

Taamaattumik pissusissamisoorsinnaanngilaq maannakkut pisassiissutigineqarsimasut amerlassusaasa allanngortinnagit nikisinneqannginnissaat. Paasisat toqqammavigissaanni, kingullermik pisassiissutigineqartut toqqammaviat allanngorujussuarpoq, nutaamillu nalilersuisoqartariaqarluni.

Qilalukkat qernertat taamatut annertugisumik amerlassuseqarnerat, nerisaqaqatigiinneq eqqarsaatigalugu qaleralinnik annertuumik nerisaqartuunerat oqaatigineqartarmat, tassuunakkut aamma aarleqqutissaqarsorinarpoq. Ilisimatuussutsikkut paasisat, siusinnerusumut sanilliullugu, qilalukkanik qeernertanik Canada-p Kalaallit Nunattalu imartaanni peqarluarpaluppoq.

Kissaatigigaara apeqqutiga, suleriaaseq naapertorlugu, ullut suliffiusut qulit qaangiutsinnagit akineqareersimanissara.